

BAWĪLAGE NABATOGILWE

Gwanukōla Bōkundōlīlwa wa Bōtogwa bo
Ng'wa Mulungu kōlī bebe



JOYCE MEYER

NG'WANDĪKI NKUMŪKE ŪMU GAHAYĪLE GI GAZETI LYA
NEW YORK TIMES

Unless otherwise indicated, all Scripture quotations are taken from THE AMPLIFIED BIBLE: Old Testament. Copyright © 1962, 1964 by Zondervan Publishing House (used by permission); THE KING JAMES VERSION; and from THE AMPLIFIED NEW TESTAMENT Copyright © 1958 by the Lockman Foundation (used by permission).

Copyright © 2014 by Joyce Meyer Ministries – South Africa
All rights reserved. No part of this publication may be reproduced, distributed, or transmitted in any form or by any means, or stored in a database or retrieval system, without the prior written permission of Joyce Meyer Ministries – South Africa.

Joyce Meyer Ministries – South Africa
PO Box 5, Cape Town, 8000
Phone: +27 (0) 21 701 1056
Website: www.joycemeyer.org

Tell Them I Love Them – Sukuma
Not For Resale

AYO ALĪHOMO



<i>HABŪSHIKĪLO</i>	4
1. Ū- MULUNGU AGŪTOGILWE	6
2. ĪGĪSĪ! ŪNENE NALĪ NSOGA NO?	11
3. ŪBŪTOGWA BŪLĪ WIYEELWA	18
4. BŪTOGWA GWISAGĪLWA NA GŪZUNYA	24
5. WIYABĪ KWĪNGA MU BOOBA	29
6. ŪBŪTOGWA BŪKASHIKĪLAGA BANGĪ	34
7. ŪBŪTOGWA BONG'WA MULUNGU BŪKŪGŪGALŪCHA	39
MALOMBA KŪLWA GŪPANDĪKA BŪPĪJI	42
ŪNG'WANDĪKI	43

HABŪSHIKĪLO



Nalīzunya gīkī īsho bagūkoobaga abanhū gūkīla shikolo shoose, gūkundūlīlwa bōtogwa bo Mulungu boi benekele. Ūbūmani wenūbū būgūtwinhaga Itale Iya buyeelelwa bo hihī no na bo mugatī kīhamo na būpanga bo gī Kilisito ūwa būpyeni bo ng'hana. Tūtūdakaga “masala agukanika” ūbōtogwa bo ng'wa Mulungu; Tūlīdaka gūkundūlīlwa bōtogwa bokwe mugatī ya myoyo ise. Moyo Ng'weela dūhū hūyo adūgije gūdūkundūlīla gīkī, hangī agwīta gīko ūlū twikala twideedeng'hanya bōtogwa bo ng'wa Mulungu, ūlū tūbūmana mu būpanga wise, na gūkooba gūkundūlīlwa gūbītīla mu shandīkwa na mu malomba.

Ūgūzunya gīkī ū-Mulungu aītogilwe weelelo yoose kūshika gūntūma Yesu achīlīle shibi sha būlī mūnhū gūlī mhayo ndamu. Alīyo yadūja gūbiza shidamū no no no ūgūzunya gīkī ū-Mulungu agūtogilwe no kūshika gūntūma Yesu achīlīle shibi shako nūlū ni walībebe dūhū aha weelelo henaha.

Myaka ningī īyo yabīta naalī nkilisito ūyo afīna būpyeni na gūfujīwa, aha ng'wīsho nakiza nūkundūlīlwa bōtogwa bo ng'wa Mulungu kūlīneene. Kūlwa shigongo shakwe Mulungu aganikundūlīla, gūbītīla Moyo Ng'weela, bōtogwa bokwe kūlīneene kūnzīla ya mūgatī geete. Ūgūkundūlīlwa gwenūyo gūgalūcha būpanga bone pye kīhamo na wīyelelwa bone na wei.

Nagūlombaga gīkī, aho ūgūsomaga īshitabo shenīshi, ūgwanukūla gūkundūlīlwa bōtogwa bo Mulungu kūlībebe gūlī

mōnhū ng'wenekele. Nalīgūtīmbya ng'holo, ūshisome gū weelwa ng'holo, ūtōmamīle gītī ntoogēji gūsoma bōtogwa bo Mulungu mu Bibilia, na kwideedeng'hanya īshandīkwa īsho ūlashipandīke mu bōkulasa ūbo bōlīfata.

Ū-Mulungu agōtogilwe no! Hangī ahaile ūmane na ūpandīke bōmanīji mu bōtogwa bokwe bōlī lūshikū, bōlī lwande lo bōpanga boko, gītī ūmo agītīla kōlīnene. Hōna lūlū nalīshifōnya īshitabo shenīshi kōlībebe mu widoohya, īkī nalīmana gītī ūnene natabizile shikolo shose shose ūlū ni gōleka Mulungu, na bōkundōlīlwa na bōmani ūbo nalīnabo kōmhayo gokwe na shigongo shakwe dōhū.

1



Ū- MULUNGU AGŪTOGILWE

“Ngōno ū-Mulungu abatogilwe no aba musī, kūshika noose ūmfunya ng’wana wakwe ūmo wike; gīkī bōlī mōnhū ūyo ūnzunya atizōyagala, alīyo abize na bōpanga ūbo bōtashilaga”.

- YOHANA 3:16

Ū-Mulungu alīhaya kūbiza na banhū, na alīhaya kūbiza Siswe. Tūkabūmva kūbiza na wiyeelwa nawe na kūbiza bayanda na banikī bakwe, abo bakwikalaga mū wingī wa bōpanga ūbo Yesu agadūchīlīla tūbūpandīke. Hūgūhaya gīkī alīhaya tūng’wisagīlwe, tūng’wisendamīle, tūntogwe, na kūzunya adūtogwe. Alīhaya tūnzunye na kūnkooba na gūja gūlīng’wei aho tūbi na kwigehelwa. Alīhaya abize na wiyeelwa bo mūgatī na bōlī munhū.

Abingī bise bagūshiganikaga īshandīkwa shenīshi (Yohana 3:16) mu nzīla ngalī īyo īdafaiile. “Ehe, Ng’hana nalīmana Yesu agabachīlīla aba musī”. “Tūlīhaya ahene ba musī”. Ītabizile shikundi īsho gīkī shitamanīkile shisoga sha banhū abo agabachīlīla Yesu. Agacha kū nguno ya bōlī munhū. Agacha kūlwa nguno yako!

Īng’hana līlī gīkī, nūbūlū niwalīkalaga bebe būng’wene aha weelelo henaha, ū Yesu ni wacha dūhū kūlwa bebe. Niwabūlīla

būsōngū boose ūbo akiyōmīlīja kū ngūno yako. ū-Mulungu agūtogilwe kūkīlanīja, nū būtogwa bokwe būtashilaga. (Yeremia 31:3).

Lūshikū lūmo aho nanyongaga ī mondoka yane, Mulungu akahaya mū ng'holo yane na ūyomba, “Joyce, ū bebe ūlī mboni ya liso lyane”. Ū shetani nang'hwe ūlilondeja ūlilaka lya Mulungu haho na haho ūyomba, Ehe, ūwenūbo angū būdoshi geete? ūgūkanikaga ūbebe ūlī nani? ūbūshidakwa ūbo būganinha kwibūja, oooh! Īdafaile naiganika gūko.

Ūgūmana gūkī abise dūlī banhū ba heke, na gūkī dūlī na shakwinha sha kūkīlanīja, kīhamo na talanta na būdōla bo kūkīlanīja, īgī ng'hana Īgajaga būngongwa nūma nū mo gūkī tūkwiganikīlaga.

Alīyo ūng'hana ūlī gūkī, būlī munhū alī munhū wa heke, ūyo wabūmva mū nzīla ya heke nū Siswe. Ū-Mulungu agūtogilwe ūbū heke, na ūgabūmba ūbize wa heke, halī ngūno yakwe adūhayaga wiikolanīje na bangī nūbūlū kūgema kūbiza gūtī boi. Ūbebe ūbelelile no ūkūlī wei gūtī ūmo wakūbūmba!

Aha nalīmūkwiganika īsho akaniwīla Mulungu ū mu moyo gwane, nakandya kwilenganīja na maayū ūmo ūyo walī hidōka lya kūgūja shilīwa na mashikolo gangī gangī ga mukaya, walīwīmīla hamhelo ifungu lya matofaa. Aho wagalola amatofaa pye noose ūchagūla ifungu līmo ī lya wiza geete ūkūlī wei. Nagagūmana ūmhayo go ng'wa Mulungu gūkī ūnene naalī gūtī ifungu lya matofaa ūlya wiiza geete ūkūlīwei. Ūnene hūyo naalīho kūlwa ng'wei. Agalolele gene gadikolaga kūbiza ga ng'hana, alīyo ūmane gūkī ū-Mulungu aganolaga gūko būlī munhū.

Īdabile gūkī ūbebe ūlīwawiza kūkīla pye boose, kūshika kūyomba gūkī abangī badafaile. Agūhayaga gūkī abanhū boose dūlībawiza kūlī wei. Ū-Mulungu alīhaya gūkī ū mu mhayo gokwe,

ūmhayo gokwe gōlīho kōlwa bōlī munhū. Ūbebe ūlī mboni ya liso lyakwe.

Aho Mulungu waniyombya gīkī, nagadōma ūgōlīdimīla shisoga ūlo waniwīlaga kōlwa ngōno namanaga gīkī ūlī shibi no ūkwiganika gīkī nalī nsoga no. Alīyo aho shabīta shikū ūbīlī gīkī, nagakundōla Bibilia yane Zabuli 17:8, henaho nisanga hang'wape ng'wape nī ng'hana yenīyī. “Nilang'hanage gītī mbonī ya līso lyako, nibisage mu mbeho ya manana gako”. Henaho nūhaya “Badūgū!” Ng'hana geete oniyombyaga Mulungu. Ūnene nalī mboni ya liso lyakwe. Īganinha guigwa gīkī nalī munhū wa heeke bōlī kwiganika ūmhayo gwenūyo. Ī gīsī, ūlīmana īgīkī ūlī munhū wa solobo nhaale no no no kōlī Mulungu, na alīhaya ūigwe chene, wagōsanyiwa, wahigōlya na ūlīntogwa?

Abanhū bagabizaga na wikūmvi bōtaale ū mu myoyo yabo wikūmvi wa bōtogwa. Ū-Mulungu agatūbūmba chene. Banhū bingī bazunije īgīkī ū-Mulungu aītogilwe weelelo yoose na gīkī antogilwe nū Yesu, alīyo balī ni kanza idamu ūgōzunya gīkī ū Mulungu abatogilwe boi benekele.

Alīyo ū mhayo go ng'wa Seeba gōlīhaya gīkī, ū-Mulungu agōtogilwe gītī ūmo antogilwe nū Yesu. (Yohana 3:16), īgutōlanjaga chene. Nang'hwe agūhayaga gōpumunha bōtogwa na lūbango lokwe mu bōpanga wise gītī ūmo antogilwe na gōnsungōlīla lūbango Yesu. (Yohana 5:20) Īlīhaya, ūbaba antogilwe no! ūng'wana, na lūlū akūng'olekejaga pye īyo akūbeejaga, na hangī akūng'olekejaga na mītaale kūtīnda īyī, muyōkumya.

Ū-Mulungu alīyomba aha nalībeeja īmitaale īyī pye yoose kōbītīla kōlī Yesu, na hangī nakūbeja mitaale kōkīlanīja kōbītīla kōlī Yesu, mpaga muyōkumya. Ū-Mulungu alīkooba gōdūkaamaja kōlwa gwīta mihayo mitaale kūngōno ya gōtwīnha yawiza na bōyegu wingī.

Ahene tūkashisomaga īshandīkwa shenīshi, alīyo īthingī tūkadumaga ūkwelelwa īcho Mulungu alīhaya gūdūbeegeja kīhamo nī sho akūkoobaga kwīta kūbītīla bise. (Yohana 14:12), ū-Yesu alīhaya, “Nalīmuwīla gīkī gwa ng’hana ūyo ūnizunya nene, nang’hwe akwībeeja milīmo īyo nakūbeejaga ūneene; hangī akūbeeja mitaale kūtīnda ho ngūno nalīja kūlī Baba.”

Ū-Mulungu akūbeegejaga abanhū shīkolo shingī būlī lūshikū kūlwa nguno abatogilwe, alīyo bagaduumaga ūgūshibona pye īsho akababeegejaga. Lideedeng’hanyage ūyenīlī, ūlīmī ūlū lyafūma būlī lūshikū, līgafumaga kūlī bebe na kūlī neene. Amabonji gagakūlaga gūbītīla nzīla ningī, pye īshose kū nguno ya kūtūbeejeja na kūtwinha būyegu.

Īweelelo īyo watūbūmbīla ū-Mulungu ūlī nsoga no! Alīhaya tūbize na būyegu nayo. Īshitabo sha wandījo sula ya gwandya ūlīyomba gīkī, ū-Mulungu akang’winha munhū būsugi na kūng’wīla ashītūmamīle shose īsho shilī ha weelelo kūmfunīja Mulungu na munhū ng’wiye.

Īmbula ūlū iza ng’wikanza lyayo, īgūtūlaga kūlwa bebe. Amawe ga mbula ūlū giza gakwizaga kūlwa bebe. Īnzīla shako shilītongeelwa na Seeba, pye ūlikanza alī kūlola beebe.

Kūshokela 7:9 ūlīhaya, Nalūūlū itegelejagi gīkī, ū-Seeba Mulungu wing’we, hū ng’wene ū-Mulungu, ūwei alī Mulungu nsanyiwa, agadimī ūlaga ilagane lyakwe kū boose mu būtogwa būshikanu, kūshisha shihūmbī sha shibyalīlwe sha banhū abo bantogilwe na bashidimile īshilagīlo shakwe.

Ūbūtogwa bo ng’wa Mulungu kūbise būtashilaga na būtīna lūbūmbī. Abingī bakiganikaga gīkī twanzobya kūlwa shibi shise, alīyo tūtadūlile kwīta gīko. Hūmo ūgūtīla, ūtadūlile kūng’winha Mulungu oye kūgūtogwa. Ūbūtogwa kūtābile nūmo ūyo agūgwītaga ū-Mulungu, ila ūwei hūmo alī.

Ūguganikaga gīkī ūbebe ūlīnsoso no! no! no! adume kŭgŭtogwa Mulungu, wahŭba. Lītho ichongo līshimu no lya kŭlemelwa Mulungu kŭgŭfunya na kŭgŭtŭla higŭlya. Apangile kŭgŭshosha.

Ītī gīkī akŭgŭlekeja shibi shako dŭhŭ ūlŭ ūnomba bo gŭsanyiwa, ila kīhamo na kŭshī ūba geete na kŭshitŭla kŭle nŭ bebe gītī ūmo shilī kŭle kŭle bŭfumīlo wa līmi na bŭg ūlo bo līmi (Zabuli 103:10-12). Ūdŭgije kŭyomba, “Nagang’wanukŭla Yesu mu moyo gwane, hangī nantogilwe”. Alīyo nalīkŭbŭja;- ūlīzunya gŭshika gīnehe īgīkī ū-Mulungu agŭtogilwe?

Ūbŭtogwa bo ng’wa Mulungu bŭtīna ngelelo, bŭtabile na mashaliti shilī ng’hŭlŭ nogu, alīyo hīli tale lya gīkī mpaga alitŭle mu bŭpanga wako haho ūgŭdŭja kwelelwa bŭlī shikolo īsho alīnasho kŭlī bebe. Nalīzunya hŭ wandījo wa bŭpājī bese kŭbŭpanga wise. Nŭlŭlŭ ūkilanga na kŭngī nŭlŭlŭ ūsome kŭ nguzu ningī na kŭkooba mihayo ya ng’wa Mulungu, ūlŭ ūduma gŭzunya gīkī agŭtogilwe bo gele na shigongo shitaale, ūtīko kŭshiminza nang’hwe lŭgendo lwa kŭshika kŭle. Tŭkanukŭlaga kwīnga kŭlī Mulungu kŭbŭtīla kŭzunya, alīyo nŭlŭlŭ ūgŭzunya īkatŭmamaga kŭbŭtī ūla mu bŭtogwa. (Bagalatiya 5:6) Hŭna lŭlŭlŭ ūlŭ tŭkīja gwanukŭla bŭtogwa bo Mulungu, tŭtadŭgije gwanukŭla shikolo shose shose.

Ūbŭtogwa bo ng’wa Mulungu bŭgadwinhaga wiiyabī (Yohana 4:18), hŭ mhayo no!no!no! ūgukala na bŭyegu mu bŭpanga gīhamo na kŭshikīlīja ngelelo ise. Īgīsī! ūgwanukŭla gele bŭtogwa bokwe kŭlī bebe? Bŭtī wa kŭgŭja; ūtadŭgije kŭgŭla kŭlwa gwīta shītwa shawiza. Īsho ūlīdakīlwa gwīta, kŭwanukŭla, kŭwanukŭla na kŭwanukŭla.

2



IGĪSĪ! ŪNENE NALĪ NSOGA NO?

“Hama ūkwisagīlwa gūtīko gōdōdimya minala, nguno ū-Mulungu wamala gōdōpumunhīla bōtogwa bokwe mu myoyo ise kō Moyo Ng’weela ūyo watwinha. Īkī nōōlō aho twalī tōtaalī bagokolo, aho lyang’wa īlikanza, ū Kilisito ūcha kōlwa banhū babi. Ūmunhū īlīshidamu no ūkwifunya kōnchīlīla munhū ūngī, nōōlō akabiza ntōngīlīja; Hamo alīho munhū wawiza ūyo ashikile kōgima kōnchīlīla! Alīyo ū Mulungu ūng’wene atolekegije bōtogwa bokwe ūmo atōtogel īlwe mugīkī, ū Kilisito akatōchīlīla abise aho twalī tōtalī banhū babi. Hōna lōōlō īkī tōbalīlīlwe bōtōngīlīja mu nzīla ya mining gakwe, hōgōhaya ūmlīwe tōgōpījiwa, twīnge ū mu bōpelanu bo ng’wa Mulungu. Īkī haho twaalī tōtaalī banishi kōgadōlīka gwa gwītwa abise kōbiza na bōsangī nang’hwe ū Mulungu mu nzīla ya gōcha ng’wana wakwe, hōna lōōlō ī haha īkī tōlīna bōsangī nang’hwe, tōgōpījiwa mu bōpanga bokwe”.

- BALUMI 5:5-10

Īlī kīnogu ūgōzunya gīkī ū Mulungu atōtogilwe, hambū hambū tūtize kōhūbanya. Amakoye a galolele genaka, banhū bingī batitogilwe, hōna lōōlō bakiganikaga gīkī ū Mulungu atabatogilwe geete. Alīyo ī Bibilia ūlīhaya, ū munhū nang’hwe alī shikolo kī noose ūng’wizōke? (Zabulī 8:4). Abise tōlīshībūmva sha ng’wa Mulungu, nō kūyīyomba īng’hana yenīyī mu nya bōpu, atōtogilwe

kūlwa nguno atūtogilwe. Ūng'wei alī būtogwa (1 Yohana 4:16).
ū-Mulungu atūtogilwe kūnguno alīhaya kūtūtogwa!.

Agūtogilwe, nang'ho ūlī munhū nsanyiwa kūlī wei. Hūgūhaya ūbebe ūlī munhū wa heke no!no!no! Ūdafaile gūbiza gūlī ūmo nalī, hangī nadafaile gūbiza gūlī ūmo ūlī. Ūgūbiza na būsunduhazu būtaale ūlū gīkī ūlocha līmi ūgūgemaga kwikolanīja na bangī na kwihebeleja nabo. Ī ng'hal ūlo ya gwīta gīko ūgūng'winha ipego ūng'wanishi wako gūgūwīla gīkī ūl īnsoso no kūkīlanīja. Ī ng'hana līlī gīkī, ūlū ūbiza gūthamo na Mulungu, ītabile lazima ūbize nsoga gūkīlanīja. Ū Yesu alī nsoga no kūlwa nguno yako. Agashilīpīla īshibi shako pye hangī ūwei ūsola būsese wako.

Ī Biblia līhaya gīkī, īkī agagūtogwa kūshika ūgūchīlīla, nīmho agūtogilwe gūshika gūnehe lūlū lūhaha īkī wabiza ntūngīlīja kūlwa mining gakwe?

(Balumi 5:8-9), Ng'hana agūtogilwe gūkīlanīja ūgūkundīkīja shibi shako sha būlī lūshikū na gūgūtūlūla ng'wiza gūfuma mu būdanganu. Īlyenīlī līlī lya kwīlolekeja ūmu kwiganika gwane, ū-Mulungu ūmo agashilolelaga īshibi shies na būdohelwa wise. Ng'wiganikage ng'wana ndololo, wa myaka īdatū nūlūlū īnne, ūyo būlī ikanza gūnolaga maayū wakwe aho agūtūmamaga milīmo ya mukaya yabo. Antogilwe no ūmaayū wakwe, kūshika kūkooba kadumu kadololo kagūdahīla minzī na kashitambala kadololo, hūna ūja ahi kengeleji lyabo aha būtongi ya nyango. Hūna wandya kūlīgusa na ūkooba taladashi ūlīshagūla līkengeleji na kūlyūmīcha.

Ūgūyomba īng'hana, līkengeleji lyenūlo līkūbiza na mishole mishole ya mafulo a sabuni, nūlūlū lūbize akanikī kagagusa na shitambala īsho gīkī nū nina akashitūmīlaga. Alīyo ūng'wana ng'wenūyo hūna wingīla munumba ūhamka ilaka lya ng'wana ūyomba, maayū! Maayū! līkengeleji lyako nalyojaga. Nagūtūmamīlaga nīmō nsoga no. Nagūtogilwe maayū!. Ūmaayū

ng'wenūyo kōlwa bōtogwa wingī ūhaya, Ahaa!!! Watōmamaga nīmo nsoga no kōkīlanīja!. Obeja no! ūkōnambīlīja. Aho ūng'wana ūja na milīmo yīngī kōngī, hōna ūlī hyagōla shisoga ūlikengeleji. Hanōma ūntimbya ng'holo ūng'wanikī wakwe kōng'wīla angunanhe milīmo yīngī līlī adūje gūtōmama milīmo ya bōshikanu.

Ūkō mbika yenīyī hōmo nū Mulungu akatwītīlaga. Adūgije kōtōmama mihayo yoose kīhamo na bise ili kōtwinha yawiza ūlū tōntogilwe na kwitanwa kōnguno yakwe (Balumi 8:28). Ūlū ūgūbeejaga shisoga no gūfatīla nū mumo ūlīmanīla, īshene hī sho Mulungu alisagīlwa kōfuma kōlī bebe. Adūgije na ng'hana agōkwambīlīja kōshika nhoonga ūlū wiyōmīlīja kōnkooba. Akōgūgalūcha wikole na ng'hwe, bōshikanu na bōshikanu.

-2 Bakolinto 3:18

“Nguno ūyo atōmīlwe na Mulungu, hagayombaga mihayo ya ng'wa Mulungu, īkī ū-Mulungu atinhaga ū Moyo Ng'weela wa kōgemeela. ŪBaba antogilwe no ūng'wana wakwe, na lōlōlō pye īshikolo ashītōlīle mu nkono gokwe.” Yohana 3:34-35.

Lōshikō lōmo aho nasomaga ī sula yenīyī mu kwitegeleja na kwi dedeng'hanya, nagalīla shisoji geete aho gīkī nabona ū Mulungu atatwinhaga moyo ng'weela mu kōgemeela. Atatwinhaga gūbonja aha nōlōlō aha. Ūng'wei wa shigongo na alīna bōdōla wa kōbeeja mihayo mitaale kōkīlanīja tōkalombaga nī yīyo tōkwiganikaga! (Baefeso 3:20).

Kōshokela 7:6-7, “ū-Mulungu alīhaya, nguno ūbebe ūlī ihanga lyeela kōlī SEEBA Mulungu wako; SEEBA Mulungu wako wakōsola kōfuma ūmu banhū boose abo balī musī, gīkī ūbize ihanga lya banhū bakwe bawikomangīle. Ū-Mulungu atang'oolekegije ūbōtogwa bokwe abing'we kō nzīla ya kōmusola īkī gīkī ng'walī bingī no gūtinda banhū bangī; tīlī gīko yaya, nguno abing'we ng'walī bagehu no gūtinda pye abanhū”.

Ūgwenūyū gūlī mhayo gwa kwidegeleka. Ū-Mulungu alīhaya, “Nagalamula gūgūtogwa, nūkūwīla gīkī ūlī ng’weela. Nūkūwīla gīkī ūlī wa heke. Nakagūsola, tīi gīkī ūbebe ūlī nsoga kū nguzu shako, alīyo kūlwa nguno nagūtogilwe”.

Ūlīmana ū-Mulungu alīkooba wīte mhayo gwa gīnehe ūlelo?. Alīkoba ūbūzunye būtogwa bokwe. Lekaga kūng’wīla Mulungu mashibi gako pye na būlī shikolo shi soso īsho shīlī mugatī yako; Nguno nūūlū ūbize gītī ūmo yīlī, tīi gīkī walatisagīlīlwe gūmpandīka munhū gītī bebe. Walamalile kūmana būlī shikolo ūkūlī bebe, kīhamo na būlī shibi īsho Washūta aho alīkūduta kūng’wakwe līi mubize na wiyeelelwa nang’hwe.

Makoye mataale ūkū bingī bise tūtītogilwe. Ali- hī nguno yenīyo tūtazunije īgkī ū Mulungu atūtogilwe, nūūlū gīkī atīho ūngī ūyo atūtogilwe. Hūna lūūlū tūkwiganikaga “līdūlīkana gīnehe ilonge wa kūtogwa? ūnene nalī na makoye mingī”. Ūlū ūzunya gīkī ūbebe ūlīnsoso gūkīlanīja, nī shītwa shako shikūjīlanīja nū munhū ūnsoso. Īng’hana līi gīkī, ūtadūgīje kūbiza hīgūlya ya shigemeng’hejo sha mbika ūmo ūkwibonelaga ūmu moyo goko.

Amakoye mataale ayo gīkī ūnene naalīnago, naalīnatītogilwe nene ng’wenekele, nagatūmamīla ikanza lyane itaale nagūgemaga kwigalūcha kūbiza ūngī gītī ūmo niganikaga gīkī nadūja kūbiza nsoga. Hangī niganikaga gīkī nalī nyombi no!, hūnūgema kwihumūja. Alyo ūlū nahūmūla nisangaga nalīna būsunduhazu na gūgaiwa būyegu, būlī munhū ūyo walī hīhī na nene, wakoobaga amane kūlwa nguno yakī nalī humūja. Hangī nandya kwiganika, mkaniwīla gīkī nalī nyombi no! Ūlū nahumūla hangī ng’wayomba, nilekagi dūhū ūmo naī!

Natadūgīje kūkūwīla gīkī nī myaka yīnga nakakoyakoyaga nū būyombī wane kūnū nakwhadīkījaga kwigalūcha. Ūshetani nang’hwe walītayali kūnīwīla ūmo nalī nsoso būlī ikanza nguno ūng’wei agūtūmamaga būjīkū na līmi gūdwīta tuigwe gīkī banhū

ba shibi na nsango. Hōna lōlō nalīmana ūmo ikubizīla shidamu ukōnya gīkī ū Mulungu atālī agūtogilwe nōlō wahūbaga.

Ū-Mulungu wakoobaga ūbize na wiyabī kwīnga mu nsango gwa shibi na kuigwa gīkī munhū nsoso. Alīyo ūlīdakīlwa kūbiza na bōgimu hōna ūpaandīka wiyabī.

Īgīsī ūlīmana gīkī gūtīho mpango nōlō bōshimu wa kwiigwa bōsoso ūyo gūlīdōja gūlīpīla shibi nōlō shimo īsho wabeeja nōlō īsho ūlabeje?

Nalīkooba gōshookela agayombebe genaka; ūgōzunya gīkī Mulungu agūtogilwe ahikanza ūlīng’hūbi īdūgije kūbiza shidamu no! no! no!.

Ūshetani alīgema gūgōsayīcha ūlō wibōja ūmo gīkī ūlī nsoso. “Nilolaga īcho ūlīta īhaha” ag ūhaya. “Ūgūganikaga ūbebe ūlī nani? ū-Mulungu atīko gūgōsungūlīla lūbango nōlō hado... Niwagema gwīta hambū hambū kūleka ūmo ūgwītaga gīkī. Ūtadūgije kōng’wīla ūngī mhola sha ng’wa Yesu īhaha. Ū-Mulungu atīko gūgūtūmamīla īhaha. Hangī atalakwinha shikolo shoose shoose īsho ūlī lōmba. Ūtadūgije gwīta mhayo gose gose ūnsoga nōlō mu-nzīla nsoga”.

Ahenaho ūlīdakīlwa ūpandīke bōzunya kūlī Mulungu na bōgimu bo kwīmī lā kūyomba, “Baba nagahūbīla, nalīkūlōmba ūnilekeje. Nalīlumīla ūmu moyo kūlwa shibi īsho nakashīta, nalīlōmba shigongo shako”. Īlī shisoga hangī ūkūnjibu ū shetani. Ng’wizūkījage ī gīkī ū Yesu wamala kūlīpīla īshibi shako na wamala kūlekejiwa na kwinhwa wiyabī kūfuma mu nsango gwa shibi na kuigwa gīkī ūlī nsoso.

Ī nguzu sha mhayo go ng’wa Mulungu ūlō gīkī shūtūmama mubōpanga wako shikūzenga kūzunya na kwisagīlwa kūlīwe. Haho gīkī ūgūdōja kūyega mu bōpanga wako na ūkūbiza lūbango

kū banhū bangī.

Ūdūgije kūiganika, halībūlī nalīlocha niganika mashibi hagene dūhū? Niganikaga gīko nū nene, mpaga nagalamula kūgūlema ūnsango gwa shibi gwenūyo ūkwikala kūl īnene. Ūlū ūlamula kūleka kwikala mu nsango gwa shibi nū kuigwa ūlī nsoso, īkūkwambīlīja kūleka kūshīta hangī īshibi shenīsho.

Ūkuigwa gīkī ūlī nsoso na nsango gwa shibi kūgagwishaga ng'holo na hangī gūgūkandīkījaga hasī noose ūduma ūkūbiza na wiyabī. Yūkwinha ūgande na gūmala nguzu hūna yūbiza shinogu hangī ūgwīta a mashibi.

Īnamna yenīyīhī nguno ūlīdakīlwa ūbize na būgimu gwanukūla shakwinha sha ng'wa Mulungu sha shigongo na gūgūleka geete ūnsango gwa shibi. Lazima ūchagūle kwikala mu kūzunya gītī ūmo Mūlungu alīhaya mu mhayo gokwe hangī ūleme geete ūkwikala ūgalagala mu būlolo wa kuigwa būsoso. Ūng'wanishi ūgūwīla, “īgeete ūgūmaanishaga gīkī naoyaga ūguigwa sagala na mashibi gako? līfaya ūgayīlīje nangī nūlū wikanza iguhī. Ūmhayo ūyo wagwīt īle gūlī gwa būbi no!”. Alīyo īcho ūlīdakīlwa kūyomba ni gīkī, “Yaaya, natalagema gwīta gīko. Natalagema kwīgayīlīja kū mhayo gwenūyo nūlū hado”.

Hanuma ūnombe Mulungu akwambīlīje akwinhe shigongo sha gūpyena amawazo aguigwa būsoso hūna ūpandīka gūja būtongi. Ūlū ūlandya gwīta gīkī īgūbiza shidamu no!, alīyo ūlū wiyūmīl īja īkūbiza shinogu no!.

Isaya 53, tūlīsoma gīkī, ū Yesu agabūcha shībī shise kūlwa nguno ise, akidīka būgokolo wise (kīhamo na nsango gwa shibi). Ūshetani atahaile ūbize na wiyabī kūfuma mu nsango gwa shibi. Hali būlī? Kūlwa nguno ūlū ūngīla mu nsango, ūtadūgīje kwanukūla būtogwa bo ng'wa Mulungu. Ūnsango gwa shibi

gōlīgōlekanya nō Mulungu hangi ūtōpandīka bōyegu ūkōlīwei.
Gōgwīnjaga amiso gako ūkōlī Mulungu na gwatōōla kōlībebe.

Ūdōgije kwikala wiyabi kōfuma mu nsango gwa shibi kōlwa
kōzunya gīkī ū Mulungu akahaya īshigongo shakwe shikomile
gōkōndīkīja shibi shako shoose, agahaya gīko walī ha ng'hana.
Agōtogīlwe, nī shigongo shakwe shīlī sha kwinha shakwe sha
gwanukōla gele.

Shanōkōlage lōōlō īlelo!

3



ŪBŪTOGWA BŪLĪ WIYEELELWA

“Abise t̄b̄b̄manile ūb̄b̄togwa bo ng’wa Mulungu ūbo al̄nabo k̄b̄bise hangī t̄b̄b̄zunije. Ū-Mulungu al̄ b̄togwa. Ūwakwikala mu b̄togwa akwikalaga mul̄ Mulungu, n̄ Mulungu akwikalaga mul̄ wei”.

-1 YOHANA 4:16

Gītī shandīkwa ūmo shilīhayīla, ū-Mulungu al̄ b̄togwa, hangī al̄haya t̄mane, t̄bize na b̄manīji k̄hamo na b̄mani wa b̄togwa bokwe mugatī ise. Al̄ l̄h̄l̄ ū ūḡd̄d̄ja ḡnehe gwanuk̄la b̄togwa bo ng’wa Mulungu mugatī yako? Ītigolile ḡk̄ aḡtogilwe k̄shika he, ūl̄ ūt̄nab̄mana ūb̄togwa bokwe b̄talabiza na solobo yose yose ūk̄l̄ibebe. Īganikage ūmo ḡk̄ ūkwiigwa ūl̄ munh̄ al̄koolekeja b̄togwa wingī. Ūl̄ ḡk̄ ūmana aḡtogilwe ūḡbiza na b̄gimu. Ū-Mulungu aḡtogilwe hangī al̄kooba k̄koolekeja b̄togwa bokwe. Al̄manya b̄l̄ munh̄ abize na wiyeelwa bo mugatī na wei. Al̄kooba kwanuk̄lwa abize k̄hamo nise b̄l̄ shikolo īsho t̄l̄beeja. Hangī al̄kooba t̄bize na mal̄ngal̄ngo a shik̄ shoose na wei, gītī ūmo t̄kwilomelaga na banwani bise ba hih̄.

Īgīsī! ūl̄na wiyeelwa bo mugatī na bo hih̄ no n̄ Mulungu? Ūl̄ t̄b̄yalwa mu l̄ kangala lo kabl̄l̄ t̄tanuk̄laga k̄sangīla na

Mulungu bo kamo na kamo. Ī lī lazima tūbūkōje ūwiyeelwa wise na wei, gītī ūmo tūkwkalaga na banhū bangī.

Nalī nkilisito wa myaka ningī aho natalī kōlamōla kōshimīnza kīhamo na Mulungu. Namanaga nōja ūmu kanisa bōlī lūshikō lwa mfuno, hangī nagūtōmama milīmo ya kwifunya hoi, alīyo naalī natalī ūgōntūōla Mulungu mu bōpanga bone. Namanaga niigwa munhū wa ndōhū dōhū hangī munhū ng'wīkōmvi. Alīyo īhaha ūwei hū wa kwandya kwiganika īdīlū na hangī hū mhayo gwa booyelo kwiganika ī bōkjik ū. Tūlīna kwisangīla nag'hwe līmi jii, hangī gūtīho mhayo gōngī ūyo nalikōmva gītī gōntōmamīla Mulungu wane na gōntogisha. Līlīhoi ipōndū lya kōbiza gītī Mōlungu ū mugatī ya bōlī munhū—bōlīhoi waasa, Mulungu dōhū ūyo wadōja gōbōchiba. Gūtīho mhayo gōngī ūgwakwikoma gōgōkooba nōlū gwīkōmva— ūyo gōdōgije gōchiba īlīpōndū lya mugatī yako.

Nalī gōtimbya ng'holo wībōje īlibōjo lyeñlī; Nalamulile gōshika gīnehe ūkwiyeelwa gone nū Mulungu? Nalī tayali gōntūōla bōtongi wei dōhū gōkīla shikolo shingī shoose? Nalīdōja gōyomba gītī Paulo ūmo agayombela mu SHITWA SHA BATŪNG'WA 17:28, “NgUno ūmulī wei hūmo bōlī bōpanga wise, nū kwiyeelwa kwise nū bōmunhū wise hūmo bōlī?” ū-Mulungu agōtogilwe, ūbebe ūlī munhū wa solobo kōlīwei. Agakōbōmba ūbize wa kwiyeelwa nag'hwe. Īyenīyī hī noota yakwenhaale kōlī bebe na bōtogwa bokwe kōbōpanga boko.

Ūng'wei agagōhwehwetelaga bōlī lūshikō īdīlū ūmu moyo gwako. “Wamisha gīnehe, nagōtogilwe”. Ūlū ībize gīkī ūtang'wigwaga gōgōwīla gīko, īhaha ūgwandya gōndegeleka na kōnzunya?

Nwani wane ūmo walīnayo ī bisha yenīyī ūmu mawazo gakwe gīkī;- ū Baba Mulungu wamanaga ūja ūmu makaya a

banhū ī Marekani ūlū gīkī bamisha īdilū. Wingīla ūmu makaya kūnū witayalishaga kūsangīla nabo na kūlomela nabo. Ūsola isūmbī hūna wigasha haho na meza yabo. Hūna bandya kūng'wīla ū- Mulungu, “Baadaye Mulungu wigashe nahenaho taamu. Ikanza igehu dūhū namalīje milīmo yane taamu, hūna nū hooya nag'ho. Nagūsngīla ng'ho baadaye Mulungu”.

Ing'halīlo ya lūshikū noose yūshika. Ū-Mulungu wīnga aha kaaya yaabo ūkūnū alīna būsunduhazu būtaale nguno wagayaga ūwakūhoya nag'hwe. Būlī munhū wakoyakoyaga na milīmo yīngī yīngī dūhū noose būgaiwa īlikanza lya kūng'winha Mulungu.

Ūtize kūbiza na milīmo ningī no!no!no! ya kūshīka ūgaiwe ikanza lya kūng'winha Mulungu. Ūlū gīkī ūtī ni kanza lya kūlomba na kūsangīla nang'hwe, ūbebe ūlī na mīl ūmo kūkīlanīja. Būchaga ikanza na kūng'wīla Mulungu gīkī nagūtogilwe. Būlī shikolo ūlū gīkī shilabīte na gūshīla, akwīkala Mulungu ng'wei būng'wene dūhū!. Ūlū lyūshika noose ikanza lyenīlo ūtaalī dūhū kūbiza na wiyeelelwa nang'hwe, ūgūbiza wabītagwa ikanza lya gwandya na gūkūja wiyeelelwa nang'hwe.

Ūbaba wane wa kūnibyala wazumalīkile mazūli-zūli dūhū, ndīna būyegu gūyomba gīkī wasangwa amalile kūnzunya Yesu myaka īdatū aho atalī kūzumalīka. Aheene ūbaba wane waja ng'wigūlū sawa, alīyo atapandīkile ūbūyegu wa kwīkala būpanga wa bū pyeni mulī Mulungu. Wiikalīlaga wei ng'wenekele pye īlikanza lyakwe. Ūtize gūshika ngelelo ikanza ūkūnū ūlīna būlūhi wingī mu moyo na būjimīja wa būpanga wako kūlwa nguno ūbūpanga wako ūkabūtūmamīla kū shikolo sha ndūhū solobo. Ūlikanza shilī shakwinha kūfuma kūlī Mulungu, tūlīdakīlwa kwitegeleja no! no! no! Tūmane gīkī īlikanza lise tūlīl ūtūmamīla nūmo kī.

Ūlūmana ūlū ūlītūmamīla īlikanza ūtadūgīje kūlīpandīka

hangī. Ūgōpandīka ikanza na Mulungu gūgenhaga solobo nhaale!, īshikolo īshingī pye shigenhaga ng'wigilimōko gwa ndūhū solobo hangī kū beyu nhaale.

Nalīkōlomba ūlamule kūtūmamīla ūlikanza lya ng'waka ūyo būtongi yako gūhandītīla geete mhayo go būtogwa bo ng'wa Mulungu, ūsome shandīkwa īsho shilīyombela būtogwa, ili ūpandīke mbika ya gwanukūla būtogwa bokwe. Ūbūtogwa bokwe būgenhaga būpanga, mhola na būyegu wa kikalīle. Hangī alīkooba ūleembele ūbize na būyegu kūbiza ng'wana wakwe. Somaga shand īkwa ūpandīke gūndeeba geete.

I Yohana 4:16 ī līyomba, “Abise tūbūmanile būtogwa bo ng'wa Mulungu ūbo alīnabo kūbise hangī tūbūzunije”.

Wadūja kwiigwa gītī munhū neng'wa ūlū ūmisha ī dilū ng'hūlū. Hamo ūmīlī gūtī na nguzu nūbūlū ndo, hangī ūlībōna ūmo ūlībiza shinogu kūlocha līmi ūlīna būsunduhazu. Ī ng'hūlū nsoga shilī gūkī, ūdūgije kūgalūcha maganiko ako kūlwa kūyomba mihayo ya gūtīmbya ng'holo na mu kūzunya.

Ūhamke ilaka lya higūlya, “**ū-Mulungu anitogilwe, ūneene nalī mboni ya liso lyakwe, hangī alīna mpango nsoga kūlī neene**”. Ūlū ūyomba kūlī Mulungu na mhayo gokwe, ūkīja kūyomba makoye gako, wadūja kūgalūcha lūshikū lwako loose. Lazima ūhayīle bebe ng'wenekele gūkī ūbūtogwa bo ng'wa Mulungu bogwipīndīlaga. ĪBibilia līyomba gūkī, ū-Mulungu alīnayo bīsha yako mū shiganza sha nkono gokwe (Isaya 49:16). Nadūja kūmona ūkwīgūlya kwenūko alīyomba “Lolaga, ūlībōna ahenaha? Yeee! Badūgūbū!, angū babeelēlaga? Nabatogilwe no. Lolaga abana bane henaha dūhū ha shiganza shane”. Wagūtūla henaho gītī sha kwizūkīja būlī makanza gūkī agūtogilwe hangī alīkūmva kūsangīla nang'ho.

Wizōke kūbiza munhō wilōmbī kōlī Mulungu na gūkūja wiyeelelwa bo gūsangīla nang’hwe. Makanza gangī wadūja kōlamula gōleka geete ī milīmo yako yoose na gūsola ikanza igehu kōnūmbīlīja Mulungu gīkī ūlīndeeba na gūng’wīla ūmo gīkī alī wa heke. Ūleembele hangī ūntogwe Mulungu. 1 Yohana 4:16-17 ī līyomba, ū-Mulungu alī bōtogwa, ūwakwikala mu bōtogwa akwikalaga mulī Mulungu, nū Mulungu akwikalaga mūlī we. Ūbōtogwa wenūbū washikanyiwe kūbise, ili tūbize na būgimu aha lūshikō lwa nsango.

Ū gūmana gīkī ū-Mulungu agūtogilwe, gūlīkwinha būgimu wa kūzunya na kwisagīlwa būshikaanu bokwe. Ī mbaango shoose īsho alīnasho kūlwa bebe shigūgūpandīka ūlū gīkī ūzunya agūtogwe: Būzunya būtaale geete, būpyeni wa shibi, mhola mu moyo gwako, būpīji na būpanga wa bokale būyegu. Na shigūgūpandīka ūlū gīkī ūzunya Mulungu agūtogwe dūhū.

Ng’hangala ningī tūkūgalūchaga ī ng’hana yenīyī mu kwiganika, “Eheee!, lazima nantogwe Mulungu”. Nalīzunya lazima ūnzunye Mulungu agūtogwe taamu. Natūzunyaga īgīkī wadūja kūng’oolokeja Mulungu bōtogwa boko aho ūtalī kūnzunya weī agūtogwe taamu. Ī Bibilia līhaya gīkī tūntogilwe nguno wandīja ng’wei ūtōtogwa (1 Yohana 14:19).

Ūlū tūmana gīkī ū-Mulungu atūtogilwe na tūwanukōla bōtogwa bokwe, ahenaho nise twadūja kūntogwa lūlū. Twadūja kūbiza na kūsangīla nang’hwe. Ūdūgije kwikala kōnū ūkwibūjaga, ūgūdūja kūsangīla na Mulungu kō nzīla kī? ū-Mulungu aho akaniwīla kūsangīla nang’hwe, nakikala hisumbī lyane nūyomba, hū nī īte gīnehe lūlū Mulungu? Ng’hana geete na līnatamanile nzīla ya kūsangīla na Mulungu nguno līkanza lyenīlo nalī natalī ūkūmana ūmo gīkī anitogilwe, hangī na lī natalī ūgūmana gīkī ū-Mulungu alīkoba nabize nwani wakwe wa mugatī pye līkanza. Aho gīkī nandya kūbiza nikanza nang’hwe, na kōlomba, kūnū na

gōsoma mihayo yakwe, ikanza līngī nahūōmōla sele mu bōtongi wakwe, haho nagilangwa nzīla ya bōyegu kōsangīla na Mulungu.

Nalī kōtimbya ng'holo wandye soolo. ū-Mulungu ūng'winhe ng'wanya, nang'hwe agōgōlanja nzīla ya kōbiza na kōsangīla nang'we. Natalagema gōgwinha nzīla yoose yoose ya kōkoma kōsang ūla na Mulungu. Natōhayaga angō nakōwīle wandye soolo, bī īlī, yaatō na kwendeleya. Nalītogwa ūtongeelwe na Moy Ng'weela. ū-Mulungu alīkooba uyagalōle ahikanza ūlī nang'hwe... nguno angō go ng'hana īgīkī, Baefeso 3:17, ū moyo goko hī nuumba ya ng'wa Kilisito?

4



BŪTOGWA GWISAGĪLWA NA GŪZUNYA

“Nguno ū mulī Kilisito Yesu ū mhayo gwa gōsaalwa nōōlō gōleka gōsaalwa gōtīna solobo yoose yoose, ū mhayo ntaale gōlī gīkī, ūbōzunya wiyooleche mu shītwa sha bōtogwa”.

- BAGALATIYA 5:6

Banhū bingī bagūtūmamīlaga ikanza itaale no gwīta milīmo ya kōgema gōbiza na bōzunya. Tūlīmana īgīkī ūlō ndūhū bōzunya dūdādūgije gūntogisha ū Mulungu (Baheblania 11:6), hūna lūōlū dūgūtūōlaga nguzu ningī na kwihūōta gūpandīka bōzunya. Alīyo ūbōzunya būgākūlaga mu moyo gwako, na tūgabūpandīkaga kwīnga kōwiyelelwa na kōsangīla mu bōtogwa bo ng’wa Mulungu na kwigwa mhayo gwakwe. Ī kizaga gōbītīla mu gūkundūlīlwa na Mulungu. Aheene ī ng’hana, nadikomile kōkōlanja kōzunya, alīyo nadūgije gūgūlanja nzīla ya gōbīta noose ūpandīke bōzunya. Ū bōzunya gōlī nkono ūyo gōlītang’wa gōlī Mulungu na gwanūkōla gōfuma kōlī wēī.

Tūlīdakīlwa gōleka ūgūng’ang’an īla milīmo ya gīkī dūpandīke bōzunya ili gūntogisha Mulungu, hūna lūōlū twandye gūtūmamīla ikanza lyeñīlo nī nguzu shose kōbiza na Mulungu, tūntogwe na gwanūkōla bōtogwa bokwe. 2 Bakolinto 5:7 ūlīyomba, “Ngūno

ũmu gashiminzile kise tũkatoongelagwa bũzunya ũtĩ kũbona''. Ikanza lĩmo aha nasomaga ĩshandĩkwa shenĩshi, nakiigwa Mulungu alĩyomba mihayo ya nguzu ĩyo ikomile kũnitwala bũtongi mu moyo gone. Akanoolekeja gĩkĩ ĩtabile bũgimu bone bo kũgema kũshiminza mu kũzunya ũbo bũdũgije kũnigalũcha. Alĩyo ũbũkulasa wenũbũ bũlĩhaya gĩkĩ, nakũdũja kũshiminza mu kũ zunya kũbĩtũla mu wiyeelwa bone na Mulungu.

Halilembeelaga ũliganĩke ĩlyenĩlo. Wibũdũje ũkuigwaga gũnehe ũgũhusu na wiyeelwa boko na Mulungu?. Ũ munhũ ũyo azunije gĩkĩ alĩ nsoso gũ miso a ng'wa Mulungu, atadũgije kwisagĩlwa kũshiminza mu kũzunya. Tũkwĩtwa banhũ batũng ĩlĩja mu bũtongi bo ng'wa Mulungu kũbĩ ũtla shinong'ho sha ng'wa Yesu Kilisito (2 Bakolinto 5:21). Ũbũtũngĩl ĩja wise mu bũtongi wakwe bũtabile hi tale lya milĩmo ĩyo tũkwĩbeejaga nũũlũ ĩyo twaĩbeeja; ĩ litale lĩyayo ĩsho Yesu akashĩta.

Hũna lũũlũ ũmunhũ ũyo azunije gĩkĩ alĩ nsoso wabũlemelwe, na gĩkĩ ũ Mulungu atantogilwe, atadũgije kũshiminza mukũzunya.

Bagalatiya 5:6 ĩlĩyomba, ũbũzunya bũkiyolekejaga mu shĩtwa sha bũtogwa. Banhũ bingĩ bakiganikaga gĩkĩ ũlũ ũbatogwa abiyo, ũbũzunya wenũbo bũgũtũmama na heneho bagũdũja gwanukũla shikolo shoose shoose ĩsho bal ĩlomba kũlĩ Mulungu. Aheene ĩlĩ sawa ĩgĩkĩ ũ Mulungu al ĩhaya tũshiminze mu bũtogwa, alĩyo ĩlĩshidamu ũ gwĩta gĩko mpaga tũzunye atũtogwe taamu. ĩ ĩ shinogu no!: Tũtadũgije kũbinha abangĩ ĩsho tũtĩnasho. Nakagama myaka ningĩ gũshiminza mu gũbatogwa bichane nguno namanaga gĩkĩ shilagĩlo sha ng'wa Mulungu, alĩyo hangĩ na hangĩ nũũduma mpaga aho nawanukũla bũtogwa bo ng'wa Mulungu ũbo bũt ĩna mashaliti. Aho nendeleya gũpandĩka na kuigwa shisoga nene ng'wenekele, haho nũdũja gũja gũbangĩ na bũtogwa bo ng'hana. Ũlũ ũpandĩka kũmana bũtogwa bo ng'wa Mulungu ũmo bũlĩ kũlĩ bebe, ĩkũbiza shinogu no ũbebe gwanukũla kwĩnga kũlĩ Mulungu

shikolo shoose īsho ūlīkooba. Īsho shikenhelejaga bingī baduma gwanukūla īsho bal ūlomba, bagabizaga batazunije bong'hana, bo nyashikanu, īgīkī ū Mulungu abatogilwe na gīkī alīhaya gūsanja nabo na gūbasungūlīla lūbango.

Ūdūgije gūyomba, “Nalītogwa gūzunya gīko, alīyo nakwītāgīnehe?” Ūbūtogwa bo ng'wa Mulungu būlī mugatī yako, īsho ūl īdakīlwa wandye kūbūmana ūlū gīkī agūgoolekejaga. ĪBibilia līyomba, “Tūntogilwe nguno wandīja kūtūtogwa” I Yohana 4:19. Yalī shidamu no! ūgūntogwa Mulungu ūlū gīkī ndūhū būhagika bo gīkī atūtogilwe.

Ūbūtogwa bo ng'wa Mulungu būlī mu moyo gwako..... mugatī geete, hagatī ya moyo gwako. Ūgūūmana īng'hana yenīyī mpaga wandye kwibona gītī ūmo alīkūbonela wei. Alīhaya ūbebe ūlī wa heke, nsoga, hangī ūlī ni koba lya wiza, ūlīna shakwinha sha heke na ūlī munhū wa solobo kūlī wei. Ū-Mulungu agūtog ilwe. Atīho ūngī aha weelelo henaha ūyo akūgūtogwa gītī ūmo ag ūtogilwe Mulungu. Ūmo ūlongeja kwiganika būtogwa bo ng'wa Mulungu, hūmo ūgūdūja kūbūlekela būzunya wako na kwikala būpanga ūbo alīkooba wei.

Ūtize gūnkooba ūngī ūngī ila nkoobage Mulungu, ūng'wei agūbenha pye abangī mu būpanga wako. Ī ng'hana lī gīkī nūlū ūgaiwe pye munhū ose ose ila ūbize na Mulungu dūhū, ahenaho ūbūpanga wako būkwendeleya dūhū. Ū-Mulungu agūbiza nwaniyo wa hihī no!. Agūbiza ng'wiyo ūlū gīkī ūtīna ng'wiyo. Agūbiza So ūlū gīkī ūtīna So. Agūbiza maayū wako ūlū gīkī ūtīna maayū wako. Ūng'wei hī shikolo shoose īsho ūlīshikooba. Ūtize kūbeeja shibi sha kūnomba Mulungu akwinhe shikolo dūhū, ūlīdakīlwa ūnombe abize nang'ho mu būpanga wako. Nombage akokaje mugatī yako na wingī wa ng'holo yakwe ng'wenekele (Baefeso 3:16,19).

Ū-Mulungu agūtogilwe na alīkooba asanje na bebe na kūkwinha ng'hūmbū shako shoose mu moyo gwako. Hambū

hambū ūyege mūlī ng'wei, agūgwinha shikolo shoose kū nzīla yakwe ng'wenekele na ng'wikanza lyakwe (Zabuli 37:4). Ū-Mulungu akang'wīla Iblahimu gīkī agūnsungūlīla lūbango na gūng'wīta abize lūbango kūbangī. Īgīko hūmo Mulungu alīkooba gūgwītīla, lazima ūzunye chene! ūzunye mihayo yoose ya ng'wa Mulungu, nguno shigaf unyiwa kūlwa bebe.

Būzunya mu shītwa sha m ūlī

Baefeso 2:8 ūlīyomba, “Ng ūno mupījiwe kūlwa shigongo, (wiza bo ng'wa Mulungu)”. Ī gīsī! ūlīmāna īgīkī ūtatūmamile nīmo gose gose gwa gūgwinha ūpandīke būpīji? Abangī balī basoso no! aho gīkī Yesu watūpījaga, nī shakwinha shakwe sha būpīji ītabile kū nguzu shise sha gūtūmama nīmo nsoga no! Yalī kūlwa nguno ya shikolo shimo dūhū: ū-Mulungu agadūtogwa no kūshisha kūmfunya ng'wana wakwe ili būlī nzunya atize kūyagala abize na būpanga būtashilaga (Yohana 3:16).

Īshigongo īmaana yayo ūlī ng'hūmbū īyo alīnayo Mulungu gūtūmāmīla nguzu shakwe mu būpanga wako gūgwinha shoose īsho ūlīkooba. Gītī ūmo Mulungu akakwinha mu shigongo būzunya wakwikoma kwanukūla būpīji, hī gīko kūlwa ngūno ya būtogwa wakwe alīkwinha būzunya wakwikoma gwanukūla shikolo shingī shoose īsho ūlīkooba. Wadūja kūbi ūlīkoba batogwa bako—abahakaya īng'we—kūng'wanukūla Yesu, alīyo īng'hana ūlī gīkī ūtadūgije kūng'wīta ose ose antogwe Mulungu. Ūdūgije kūnomba Mulungu atūmame mu myoyo yabo, alīyo ūtadūgije kūyīta ībize kū nguzu ya mīlīmo yako ng'wenekele.

Īmīlīmo ya mūlī nūlū shikolo īsho tūlīgema gwīta kū nguzu shise benekele, īgadūlekaga na būnoge bo kūlemelwa kū nguno tūl īgema kwīta shikolo īsho Mulungu ng'wenekele adūgije kūshūta. Hū gwisanga gīkī tūlītūmama mīlīmo ya ndūhū solobo nūlū ndo. Īsho tūlīdakīlwa kwīta ni kwidohya mu būtongi bo ng'wa Mulungu na kūnomba būgunanhi bokwe. Ī Bibilia ūl īhaya

1 Petelo 5:5, “Ū-Mulungu ng’wenekele atabatogilwe abikumŭlŭja, alŭyo abidohya agabŭlŭkŭlaga lŭbango”.

Ishigongo sha ng’wa Mulungu shilŭdakŭlwa no! no! no! ŭ mubŭpanga wise. Abo tŭgapŭjiwa mu shigongo na kŭbŭtŭla kŭzunya, nŭ mumo tŭgapŭjiwa ŭlŭfaya twikale chene bŭlŭ lŭshikŭ--mu shigongo sha ng’wa Mulungu kŭbŭtŭla mu bŭzunya. Ūlŭ ŭbiza ni tale lya bŭtogwa wenŭbŭ mu bŭpanga wako ahenaho ŭkwandya kŭnzunya na kŭbiza na wisagŭlwa bo mugatŭ yakwe. Haho ŭgŭdŭja kŭshiminza mu gŭzunya kŭleka mu gŭbona. Ūgŭmana na ŭgŭbiza na ng’hana ŭ mu moyo gwako gŭkŭ ŭ-Mulungu alŭnshikanu ŭ mu gŭtŭmŭja mihayo yakwe.

Tafasili ŭmo ya Bibilia ya kŭngeleza ŭ ŭgitanagwa “THE AMPLIFIED BIBLE”, ŭg ŭzunya ŭlŭ kwisagŭlwa kŭshikanu gwa ng’holo ya munhŭ kŭlŭ- Mulungu, kwisag ŭlwa bo ndŭhŭ na hamo, kŭhamo na bŭgimu kŭ nguzu, masala na wiza bokwe. (Bakolosai 1:4) Ūlŭ gŭkŭ ŭnzunŭlŭja Mulungu agŭtogwe, ŭgŭdŭja gwŭta gŭko. Ūmo gŭkŭ wiyeelwa wako na Mulungu bŭlŭkŭla, hŭmo na bŭzunya wako bŭlŭkŭla. Ūgŭbona Mulungu alŭbeeja mihayo mitaale mugatŭ yako na kŭbŭt ŭla kŭlŭbebe, alŭyo gose genayo ŭ wandŭjo wago ni gŭkundŭlŭwa bŭtogwa bo ng’wa Mulungu. Ū-Mulungu agŭtogilwe! Malaga mbeho geete ŭgŭhusu nŭ ng’hana yenŭyo.

5



WIYABĪ KWĪNGA MU BOOBA

“Ūmū bŭtogwa bŭtīmo booba, alīyo ūbŭtogwa ūbo bŭshikanile bŭkabŭpeejaga ūbooba, ngŭno ūbooba bŭlī na nsango, hŭna lŭlŭ ūkwikala ogohaga atalī ūkŭshīkanyiwa ūmŭbŭtogwa”.

-1 YOHANA 4:18

Tŭdŭgije kŭshika hanhŭ ūmu bŭpanga wise aho tŭkwendeleyaga shisoga dŭhŭ ūmu kŭzunya, ūkŭnŭ tŭlīna wisag ūlwa kŭlī Mulungu na kŭbiza na bŭgimu gīkī atŭtogilwe. Hŭnayŭbiza gafula dŭhŭ ūng’wanishi ūt ūma shikolo sha kŭtŭlumīja. Akikalīle ga bŭpanga wise- yaani ūmihayo ūyabŭbi ūyo ūkŭtŭpand ūkaga- yadŭja kwenha līkŭgeng’wa ūmu bŭzunya wise kŭnzīla ūyo gīkī mhayo gŭngī gŭtadŭgije kwenha līkŭgeng’wa. Banhŭ bangī batīna makoye ūgŭzunya gīkī ū-Mulungu abatogilwe mpaga ikanza lya gīkī ūmu bŭpanga wabo lilongaga līwilwisha lya kŭbŭta babone gŭtī gīkī atabatogilwe.

Haho lŭlŭ ūng’wanishi ūkwing ūlīla na lībooba na nsango ili akŭlekanye nī shīkolo ūsho shidŭgije kŭgŭgŭnanha- ūbŭtogwa bo ng’wa Mulungu. “Ehee! ūgŭbiza gīnehe ūlŭ yŭkwilongela?” ūng’wanishi ūyomba chene. “Naliganikaga ū-Mulungu agŭtogilwe ūlŭ gīkī agŭtoglwe, hali kŭlwa kī ūlŭkŭpandīka mīhayo yabŭbi? lībonekana lazima wī ūtile mashibi mataale kŭkīlanīja.

Ū-Mulungu wakūbyedile no! no! no!”.

A makanza genaya a makūgeng’wa alī mingī, agūbonekana ga alī makanza agūbūkīlwa (gubonelwa) na kwūtlwa yabūbi, lī shinogu no ūkūjimīja kwisagīlwa gwako kūlī Mulungu. Itabizile gīkī ū-Mulungu agwītaga mihayo būlī ikanza gūtī ūmo tūlīdakīla abise. Alīna mpango ntaale no kūleba ūgwise. Alīhaya atūgalūche kūleba ūmo alīhaya kūgalūcha hali sha būpanga wise. Ī hingī ūwei agatūmamīlaga hali ndamu ūyo ūgūdūpand īkaga mu būpanga wise ili gūtūzenga būzunya wise kūlī wei na kūtūlanja tūng’wisag īlwe ng’wei ng’wenekele. Ū mu makanza genaya, twadūja kūbiza dūdūmanaga īcho shikwendeleyaga na lī shinogu no ūkwipuja mulī ng’wanishi kūiganika gīkī ū-Mulungu atatūtogilwe.

Ahene haho tūlīdakīlwa kwizūkīla (Balumi 8:35-39), ī misitali līyomba shitūho shikolo shoose shoose īshakūtūlekanya mu būtogwa bo ng’wa Mulungu na gīkī abise tūlī bapyeni mu nzīla ya ng’wa Kilisito Yesu.

Īshikolo īshawiza geete īsho tūdūgije kūshūta aho gīkī tūlīna makoye ni gūhamka ni laka lya higūlya na kūyomba, “Mulungu nalūmana ūnitogilwe, hangī nalīzunya gīkī ūyenīlī līgūtūmama milīmo kūlwa gūnenhela yawiza”.

Īkanza līngī, ū-Mulungu agūlīndīlaga ūgūdūgūnanha mpaga tūshike hanhū tūbone gīkī yalemelaga na kwiganika gīkī wakelejaga kūbūtīla. Ūlizūkīla ū Lazaro? Wal ī nsaatu, alīyo ū Yesu akalīndīla azumaīke taamu. Ū Martha agang’wīla gīkī ū Yesu, wakelejaga no!, alīyo ū Yesu walamanile gīkī ndūhū nī hamo ūgūhusu nī shisho alīta, ū Lazaro hūna ūshookejiwa būpanga kū nzīla ya kūnkumīlīja Mulungu kū nguzu nhaale. Ū-Mulungu atadūgije kūtūmama mil īmo kūfata ūmo tūlīhayīla bise, alīyo atalagema kūkeleja nūlū hado. Ūlū ūpandīka makoye mu būpanga wako, nolage Mulungu miso gako pye na ūtūūle gūzunya gwako kūshūtwa shakwe. Ūtize kūzunya ūbooba na būchanganyikīlwa

shikwibīle bōtogwa bo ng'wa Mulungu kwīnga kōlī bebe.

1 YOHANA 4:18, Shīlī shandīkwa shabokale nguzu no! no! no!: “Ūbōtogwa bōshikanu bōkabōpeejaga ūbooba”. Nakaliganika līlī shandīkwa lyenīlo hangī na hangī, nūgema kwelelwa, na lūshikū lōmo naganukōla kōkundōlīlwa bōtogwa bōshikanu ūbo bōkapeejaga booba, ū Mulungu hū bōtogwa wenūbo bōshikanu. Ūlū ūmana ūbōtogwa wenūbo ūmo bōlī bōshikanu kōlī bebe, ūtalazunya kwikala na booba nōlū hado. Nōlū ūkiigwa kogoha, ūkwiyōmīlīja kōja bōtongi na Mulungu kōnguno ūlūmana gīkī alīnang'ho pye amakanza.

Ūdikomile kogoha gīkī ūgōpyenwa ūlū ūlūmana gīkī ū Mulungu agōtogilwe. Ūkōbiza na wiyabī bo kōgema shikolo sha mbika na mbika kōlwa nguno ūlūmana ūbōtogwa bo ng'wa Mulungu bōtigongije wiza bo shītwa shako. Ūtadūgije gōpyenwa ūlū ūng'wisagīlwa Mulungu. Īnzīla ya bōkindwa ni kwiisagīlwa bebe ng'wenekele. Īdūgije gōshikanīja gīkī amalengo gako gōkīja ūgōja ūmo waliganikīla, alīyo ūlū miso gako ūgatūla ng'wa Mulungu lazima gagwikala sawa. Ūlū ūbiza na bōmani bōshikanu gīkī ū Mulungu agōtogilwe, ūtalagama kogoha gōpyenwa, gōleng'wa, bōhabī, īyo yaabīta, īyo līza nōlū shikolo shoose shoose.

Ūbōtogwa bo ng'wa Mulungu bōlī bōtaale bōshikile gōkundīkīja bōlī shikolo. Ūlīganika ū-Mulungu ūyo gīkī wagōkomola na gōgwinha wiyabī adūgije gōgwīta wibone munhū mpyenwa na ūyo adafaile? Agōkīja gōgwinha ng'wambōlīja? ū shetani hū ng'wanishi wise.

Ūwei alī nsambo na nomolomo, alīyo ū Yesu alīkooba tūbize na bōpanga wingī (Yohana 10:10).

Ūmu tafasili ya Biblia ya “THE AMPLIFIED” 1 Yohana 4:18 līiyomba gīkī: “Bōtīho booba aha bōtogwa, alīyo ūbōtogwa

būshikanu būgīnjaga na gūponya hanze pye ūbooba nūlū makangi na gūmala nūlū kabado kamo. Nguno ūbooba būkizaga na maganiko a nsango, hūna lūlū munhū ose ose ūyo wikala ogohaga ataal ī kūshika aha būtogwa būshikanu.”

Aho Mulungu wanambūlja kwelelwa gīkī ūbūtogwa bokwe būgapeejaga booba, īkabidi ūbūmani wenūbo nabūtūle mu shīwa. Īmondoka ise yalī na makoye. Abise twabonaga gīkī īgeya shayo shajaga kūbipa geete, twalī ndūhū na hela ya kūgūla geya mhya. Hūnatwendeleya kūlinyonga tūkwisagīlagwa gīkī lītakomile kūbipa noose līsalang’hane geete.

Nakiigwa Mulungu alīnitimbya ng’holo dilū ūmo na mihayo īyī. “JOYCE, ūtūmamīle ūlikanza lya ng’wa lelo kūnitogwa nene, na gwanukūla būtogwa bone. Ūdūdakīlagwa gūbeeja mhayo gūngī. Ītabile gīkī hadī ūgeme kūbiza nkīma wa nguzu na nzunya. Īsho shīlīdakīlwa wikale mu būtogwa bone”.

Hūna lūlū nandya kwūmba, nitungūla mīmbo ga gūng’wūmbūla Mulungu na gūbiza ni kanza nawei. Gafula nūng’wigwa ūngoshi wane alī halūzumba lo gūtūlā mondoka ise ahakaya—lyamala gūbīta ikanza lya dagika 45 alīwīnge kūmilūmo. Ūlugūla ūnyango ūyomba, “Nadumaga ūgūyīnja ūmondoka aha geza ya gwandya. Tūlīdakīlwa gwītuala ng’wa fundi īgabejiwe”.

Nūlugūla ūnyango nandya gūseka. Ūgwenūyo gūtabile mhayo ūyo nagagwītaga na hangī, na hangī gūtabile mhayo ūyo nagagwīta kūlwa būtogwa dūhū ūng’wīkanza lyeŋlō. Ūmhayo gwenūyo gūgīnga mugatī yane dūhū. Kūlwa nguno nalīnanzunūlja ū Mulungu anitogwe, hū nūbiza na būdūla bo gūseka hagatī ya makoye madamu. Ūgwīkala mu būtogwa bo ng’wa Mulungu gūkwīgūlaga nyango mugatī yako būfume būzunya kūleka booba. Nagandya gūtaala seko dūhū, ūwenūbo bolī būzunya wiyoolekejaga mu shīwa. Nagaseka kūlwa ngūno, ūmugatī ya moyo gone nalīna mana ng’hana gīkī ū Mulungu atūtogilwe hangī

agūsanja na makoye gise.

Ū Ibulahimu nang’hwe agaseka lūseko lwa būzunya. ū-Mulungu aho agang’wīla gīkī agūbyala ng’wana ngosha, ū Ibulahimu agaseka! Agamana gīkī yalī ndūhū nzīla, ū kūnzīla sha gī munhū, īyo niyang’winha gūpandīka ng’wana ūng’wei nū Saala, alīyo aganzunya Mulungu, ūbūyegu bokwe widīkīla na gwenheleja gūseka.

Nalīzunya gīkī ūgūshiminza gū mbīka gītī yenīyī, gūgang’wig ūlīlaga nyango ū Mulungu gūtwambīlīja mu nzīla ya heke. Nani ūyo wadūja gwiganika gūseka ūkōnū alī hagatī ya makoye?. ĪBibilia īlīhaya gīkī, ū Mulungu akwigashaga ng’wigōlū na gūbaseka abanishi bakwe (Zabuli 2:2-4). Ūlū gīkī ū Mulungu wadūja gwīta gīko, na bise tūdūgije gwīta gīko. Ngūno hūmo ībizīle ū Mulungu atūtogilwe. Hangī ūlū gīkī Mulungu alī lwande loko, nani ūngī lūlū adūgije gūkwichama būtongi?

6



ŪBŪTOGWA BŪKASHIKĪLAGA BANGĪ

*“Īshilagĭlo shenĭshi twanukŭlile kŭfuma kŭ lĭwe, gĭkĭ ūyo antogilwe
Mulungu shigelile antogwe nŭ ndŭgŭye”.*

-1 YOHANA 4:21

Ūbebe ūlĭ ng’wana ong’wa Mulungu wa heke. Alĭkŭwĭla gĭko ū mu (kŭshookela 7:6). Ūlŭ wiza ūmana na kŭzunya bo ng’hana gĭkĭ ūbŭ heke kŭlĭwe na kwikala na bŭyegu na bŭgimu kŭlwa kŭmana gĭko, ūkŭgalŭcha weelelo ĩyo ĩkwipĭndĭlile kŭ nzĭla sha lŭbango. Ūkŭja kwigŭlilŭ nŭŭlŭ kwidŭka kŭgŭla shikolo ūlĭ na bŭyegu gŭbŭshŭ, ūkŭnŭ ūkwiganikaga, Nabatogilwe. Bŭlĭ shikolo shilĭ sawa mu bŭpanga bone. Nadŭgĭje kŭbinha lŭbango banhŭ bangĭ na bŭtogwa bo ng’wa Mulungu ūbo naliigwa. Ūdŭgĭje kŭyega hose hose aho ūlĭja, ūbŭyegu boko bŭgŭbasungŭlĭla lŭbango abangĭ. Zabuli 100:2 ĩlĭyomba gĭkĭ tŭlĭfaya kŭntŭmamĭla ū SEEBA kŭ bŭyegu!.

Ūlŭ tŭkwandyaga ūkŭmana gĭkĭ tŭlĭ banhŭ ba heke mu mpango ntaale go ng’wa Mulungu nĭ myoyo ise na shĭtwa shise shoolekeje ūbŭkundŭlĭlwa wenŭbo, tŭlĭdŭja kŭsangĭla ng’hŭlŭ sha ng’wa Kilisito na kŭboolekeja bŭtogwa bokwe kŭ nzĭla ĩsho shigŭbaduta banhŭ kŭlĭwei. Ūbŭtogwa bo ng’wa Mulungu

ūbo bŭgŭpŭmunhīkaga mu bŭpanga boko bŭgŭkwinha ūbŭpe kwiganika īsho balīkooba abangī na ūkŭbabonela shigongo. Ūbŭtogwa bokwe mugatī yako bŭgŭkwinha wiyabī kwīnga mu booba, na ūtalagama kogoha kŭbashikīla abangī kŭ bŭtogwa. Ūtalogoha kŭleng’wa, nŭŭlŭ kŭlemva lemva na banhŭ abo balīkooba solobo yabo benekele; ūbŭtogwa bo ng’wa Mulungu ūbo mugatī yako bŭgŭbona īsho balīkooba abangī na kŭgema gŭbatimīgīja.

Ū-Mulungu alīhaya ūnzunye aho alīhaya gīkī agwīta mihayo mitaale kŭbītīla bebe kŭlwa nguno ū Yesu akwikalaga mugatī yako. Ng’wisagīlagwe na ūzunye gīkī alīhaya agŭtŭmamīle kŭ bŭtogwa na kŭbagunanha bangī. Wizŭkwe gīkī ūbŭtogwa bŭshikanu bo ng’wa Mulungu bŭgŭpeejaga booba, hŭna lŭŭlŭ ūtize kŭzunya ogohe(booba) ūlemelwe kŭsola hatuwa ya kŭzunya. Natŭdŭja kŭkŭwīla gīkī ng’hangala singa nī īmīla “ahiwe lya bŭzunya”, aha mhelo ya kwīta mhayo kwa kogohya,na īkabiza gŭtī gīkī ū Mulungu walīwaniwīla, “Naheene Joyce naheene. Nagwīta mihayo mitaale gŭbītīla bebe. Naheene gemaga”.

Bŭlī ikanza nagayŭsola hatuwa ya bŭzunya na kwitambŭka kwingīla mugatī ya mhayo gwenŭyo, ū-Mulungu atīna gema kŭnilekanīja.

Ūlīmana kŭlwakī natakoyaga gŭsola hatuwa ya gīko nagŭdōma? Kŭlwa nguno nalīmana ū-Mulungu anitogilwe. Anitogilwe nang’hwe alīmana nantogilwe, na kŭbītīla shigongo shakwe ūnene nifunya bŭpanga wane kŭlwa ng’wei. Ūlŭ gīkī wīta gīko na ūntogilwe Mulungu na ūlīmana gīkī agŭtogilwe, gŭdalīho mhayo nŭŭlŭ īkoye lyose lyose ilo līgŭgŭpyena kŭbītīla Kilisito.

Ūlŭ gīkī ūlikŭmva ng’hana gŭbagunanha bangī, ū-Mulungu akŭkwanbīlīja ūbagunanhe. Ītabizile lazima ūbize na bŭdŭla bŭtaale; ūlīdakīla wifunye kŭlī Mulungu, nang’hwe agwashikīlīja aangī pye. Wadŭja kŭiganika gīkī īshakwinha shako shilī sha

kawaida dōhū, alīyo ikanza līngī īshikolo sha kawaida shikabizaga na nguzu.

Ūtize kwikala mu bōpangawako kōlwa nyabi ng'holo, ūgōtōmamīlaga nguzu shako pye kōbeeja ya ha ng'wako dōhū na gōtimīja ayo gīkī ūlīkooba bebe ng'wenekele. Ng'wīlage Mulungu īsho ūlīshikooba ūbize nasho hūna ūnole wei, līlī ūbize miso kō nzīla īsho Moyo Ng'weela agōgōtongeela ūshūte līlī kōbashikīla abangī na gōbinha lōbango.

Īshikolo īsho ūn'gwinha shingunanhe ūngī, ū-Mulungu agōhagigisha shilīgōpandīka nū bebe. Ūlū gīkī ūlīkooba shikolo, ūbize na moyo gwa gōhamba “mbīyō ya bōgunanhī” ītabile “gōtimījiwa ng'wenekele”. Ī yenīyī līkōla gīkī ūlū ūbashikīla abangī, ū Mulungu agwanukōlaga gīlī mbīyō īyo wahambaga kōlwa kwīmbūla īsho bebe walōshikooba mu bōpanga wako. Bōlī munhū alīkōmva gōpyena na kōbeelega, alīyo ūlīdakīlwa ūmane gīkī ūbōbeejeji wa ng'hana ni gwīta gīnehe!. Nalītogwa nawanikīje hibaala gīkī bōlī bōdōla bo gōtōmamīla bōdōla bo ng'wa Mulungu gōpandīka bōlī shīkolo īsho ūlīkooba. Ūbōtogwa bo ng'wa Mulungu bōgōgnha bōdōla bo gōtōlā amakoye ga bangī bōtongi. Ūkwiganikaga ī gīkī ū-Mulungu agōtogilwe no na alīkwambīlīja ūbashikīle bangī kō bōtogwa, pye nabo līlī shidamu kōbatogwa: Abo balībokale bōdakī (bōsai), abo batabile na ng'holo ilōmbī?

Yaya lōlū ūkōlindīla ūpandīke ikōjo ītaale, ūgōntogwa munhū ūyo al īkōolekeja bōtogwa. Alīyo lazima tōbize na shigongo sha ng'wa Mulungu īsha kōtwambīlī ja kōbatogwa abo gīkī līlī shidamu kōbatogwa. Ū bōtogwa bo ng'wa Mulungu ūlū gīkī bōgwidīkīlaga mu bōpanga wise, ūgōdōja gwīta gīko nguno ūbōtogwa bokwe bōtūna mashaliti. Tōkwānukōlaga gele nū kōbōfunya tōbōfunye gele. Ūbōtogwa bōtagehelagwa mhayo pye līkanza, hangī bōtanogaga kwikala na banhū. Yadōla gōsola

ng'waka gūmo. Yadōla gūsola myaka itano. Yadōla gūsola myaka 25, alīyo kŭlī na solobo nhaale ū mu bŭkomezu.

Ūlŭ gŭkŭ ūgŭbŭtŭlaga ikanza idamu ūmukwiyŭmŭlŭtja, na gŭntogwa munhŭ ūyo ŭlŭshidamu gŭntogwa, wizŭkwe aho Mulungu akiyŭmŭl tja kŭgŭtogwa bebe aho gŭkŭ ūtaalŭ kŭgalŭchiwa.

1 Bakolinto13 ŭlŭyomba, ūbŭtogwa bŭkŭyŭmŭlŭtjaga, bŭlŭna shigongo na kwidohya. Bŭtŭkoobeelaga shikolo shabo dŭhŭ, bŭtasaayaga waangŭ nŭbŭlŭ bŭtadimŭlaga yabŭbi. Akikalŭle ka gŭkŭ hako Yesu agapŭmŭnhaga higŭlya ise kŭbŭtŭla bŭtogwa bokwe, hangŭ na bise tŭdŭja kŭboolekeja bŭtogwa wenŭbo kŭlwa kŭbŭ ita gŭko abo balumŭlile, banhŭ bajimŭ ŭlile abo batuubile gwanukŭla bŭtogwa bo ng'wa Mulungu mu bŭpanga wabo.

Ū-Mulungu agŭtogilwe, hangŭ abatogilwe nabo balŭ hihŭ nang'ho. Abatogilwe babize bapŭjiwe nŭbŭlŭ babize bataalŭ gŭpŭjiwa, hangŭ alŭhaya agŭtŭmamŭle bebe kŭbashikŭja bŭtogwa bokwe.

Yaya ŭkogoha gūsola hatuwa. Ūbŭtogwa bo ng'wa Mulungu bŭlŭkwinha wiyabŭ kwŭnga mu booba na mu nsango gwa shibi, hangŭ wakwinha bŭdŭla wa bŭtogwa. Ūbize na mpango nshikaanu kŭsangŭla bŭtogwa bo ng'wa Mulungu na bangŭ. Wadŭja kwandya kŭ nŭlŭa nogu ya kŭbiza munhŭ owiza na mpolo kŭ bangŭ. Itaga ŭlamule koolekeja wiza bo kŭnwani na ūbize lŭbango kŭ banhŭ bangŭ bŭlŭ heene aho ŭlŭ.

Ūbŭkolo wiza bŭlŭ nŭlŭa ya koolekeja bŭtogwa, hankani gŭlŭ munhŭ ūyo alŭ na makoye, alŭna bŭsunduhazu bŭtaale mu moyo. Bamanyage banhŭ bize hang'wako ūsangŭle nabo shilŭwa sha mhŭndŭ. Bamanyage banhŭ kwiza ha ng'wako, bagishage banhŭ na moyo gwa bŭyegu na kŭbinha nkono. Ūbantimbye ng'holo banhŭ bangŭ. Funyaga bŭgunanhi mu shŭtwa, gŭtŭ gŭnandisha munhŭ mondoka yako ūyo hamo ŭmondoka yakwe yabipaga. Ng'wambŭlŭtjage ntŭmami ūmpya aha milŭmo yako, hangŭ ūbone ŭlŭ

gīkī ūdūgije kōngunanha kōgūyeelela ūnjini ūyo mugūtūmamāla
milīmo nang’hwe agōmane shisoga. Ū-Mulungu alīna shīkolo
īsho ūlīdūja kōshīta. Wadūja kōshibona gītī shītīna solobo ūbebe
nūlū kōshibona shilī shidonhi no! Alīyo shilī shikolo sha solobo
nhaale no! ūkō līwei. Abanhū balīna solobo ūkōlī Mulungu!.

Balīho banhū abo gīkī bebe dūhū ūyo wadūja (ūdūgije)
kōbashikīla. Mūbūjage Mulungu akoolekeje nzīla ya kōbashikīla
abangī na būtogwa bokwe, na akūgūlanja mbika ya gwīta gīko.

7



ŪBŪTOGWA BONG'WA MULUNGU BŪKŪGŪGALŪCHA

“Ūwenōbū hū bōtogwa, ītī gīkī abīse hōtōntogilwe ū-Mulungu, alīyo ūwei hōyo atōtogilwe abise; kōshisha noose ūntōma ng'wana wakwe kwiza kōbiza shitambo kōlwa shibi shise”.

-1 YOHANA 4:10

Ū-Mulungu atōtogilwe, alīyo natamanile īgīkī abingī bise baīmanile īng'hana ya bōtogwa wingī na bōkūlū ūmo īlī kōbise. ū-Mulungu wanoolekeja kōbītīla bōsomi nguzu nhaale gōhusu mhayo gwenūyū, gīkī nangī ng'hana nitūmanile, ūmugatī ya myoyo ise, ūbōkūlū wa bōtogwa wakwe kōbise, īshītwa shise ni shilī kīngī no no no! nī shisho tōkōshoolekejaga ikanza lyose.

Wiganikage bōtogwa bo ng'wa Mulungu kōlībebe, ūlyenīlo hīlo likōgōgalūcha. Ūlū gōlīho mhayo ūtagōtog ilwe mu bōpanga wako nōlū ūmukikalīle kako, basi ūgōmana na gōzunya gīkī ū-Mulungu agōtogilwe aho ūgōnindīlaga atōmame nīmo mugatī yako īgōgwambīlīja kōpandīka bōyegu ūmu lūgendo lwa gōgalūchiwa goko. Ūlū wendeleya gwikala na bōsunduhazu kōnguno ya shibi shako mu bōpanga wako, ūtōgalūchiwa nōlū hado. Wizōkwe ū-Mulungu agatōmamaga milīmo kōbītīla mu

gūzunya, nū būzunya wa ng'hana būgūgwambūlīja kwingīla mu kwisuula go ng'wa Mulungu. (Iolaga Baheblania 4).

Īlībonekana gīkī balīho banhū bingī abo batīna wiyeelwa būsoga boi benekele. Batitogilwe dūhū: Hangī līlībonekana gīkī balīwibyede. Ūlū gīkī ūgwihebaga na hali ya kūleka kwitogwa, nalītogwa nakwizūkīje gīkī ūdūgīje kūlbyeda īmibi īyo ūkūyītaga, alīyo ūleke kwibyeda bebe ng'wenekele. ū-Yesu wacha kūlwa bebe ngūno ya būtogwa bokwe būkūlū kūlībebe, hangī alīhaya ūwanūkūle būtogwa bokwe wa solobo.

Ī Bibilia līyomba, “Nguno ūmo akwiganikīlaga ūmugatī yakwe hūmo alī” (Sumo 23:7). Ūlū gīkī ūlīganika sagala būlī ikanza, ūkūnū ūkwīgayīlījaga ūmo ūlī wa heke, ūkūgaiwa mhola na būyegu bo ng'wa Mulungu, akikalīle gako hūna koolekeja chene. Pye gose agenayo kū nguno ūtalī kūdima na kūmana mu moyo gwako īng'hana ya nguzu naya kūgūgalūcha būpanga gīkī ū-Mulungu agūtogilwe no no no! Kūbītīla ūmo ūlīmanīla.

Ū-Mulungu alīhaya ūbīze nī kanza lya kūbiza mūlī wei būlī lūshikū. Īlyenīlo hīlo likūgūgalūcha. Ūlū ūkīja kūntūlā Mulungu būtongi, basī ūgūbīza ontūlāga hanhū aho gīkī atadūgīje kūgūtūmamīla īsho walūkoobaga agūtūmamīle. Īlikanza ūlo ūgūbizaga na Mulungu bo mhelo ng'hūlū, ūkūng'oolēkejaga būtogwa wako na kūnzunīl īja akūtogwe, hīlo līkūgwinha ūbize na nguzu na būgīmu na būkomezu.

Banhū bingī bagafunyaga ng'henebule sha ndūhū dūhū baduuma ūgūtūmamīla līlikanza ūlo lya lūdakūlagwa gūzenga wiyeelwa būtaale na Mulungu. Īchene balīhaya babize na wiyeelwa būsoga nū Mulūngū, alīyo badikalaga ū mu nzīla ya kwambūlīja gītī gūsoma mīhaya yakwe bo nguzu na kūlomba. Ūlū ūlīna makoye aha sehem ū ya būpanga bokwe, lombaga na kūmūbīja Mulungu akwambūlīje kūbīza nikanza lya kūsangīla nang'hwe būlī lūshikū. Ndūhū na hamo, ī shene hī shikolo shisoga

kū shoose shoose īsho gīkī tūlīdūja kwīta!

ŪBūtogwa bo ng'wa Mulungu būkūgūgalūcha. Ūlū ūpandīka bōmanīji mu būtogwa bokwe na kūbūmana mu moyo gwako gīhamo na kūwangalīla mala gwa mala, ūgūpandīka ng'hūmbū ya kūgalūchiwa. Ūlikūmva kūbiza gītī Yesū, ūyo agūtogilwe. Ūg ūmana na gūkūja gikalīle ga ng'wa Mulungu mu būpanga wise līfaya kūbiza mhayo gwa gūtūla būtongi mu būpanga wise. Ū Paulo agayomba gīkī līlengo lyakwe lya ng'hana yaalīkūmana Kilisito na nguzu sha kūjūka gokwe (Bafilipi 3:10). Ūmane lūlū gīkī ahenaha ū Paulo agayomba gīkī lazima ūbize ni lengo lya ng'hana na lya nguzu.

Nalī gūtīmbya ng'holo wiigoje geete ūgūhūsu na wiyeelelwa wako na Mulungu. Ūdūgije kūbiza na wiyeelelwa na Mulungu gītī ūmo ūlīhaya ng'wenekele; lītegemeya nī likanza lū ūgūlītūmamīlaga ūgū wiyeelelwa wenūbo.

ĪBibilia līyomba gīkī abise tūlīng'wakilisha Mulungu na gīkī ū-Mulungu alīyomba nī weelelo kūbūtīla bse (2 Bakol īnto 5:20). Īshandīkwa shenīshi shūkūmyaga ūmoyo gwane būlī ikanza kū nzīla nhaale na kūninha kūmana būpya ūmo līdakīlwa gīkī tūlondeje hanuma ya moyo gwa ng'wa Mulungu ūlū alītūmama ū mu gatī ise, alītūgalūcha na kūtūbeeja kū ngūno ya gūtīmīja mhayo gokwe. Ūbūtogwa bo ng'wa Mulungu būgapumunhagwa ū mu myoyo ise na Moyo Ng'weela (Balumi 5:5). Wanūkūlage, ūbūyegele hangī ūzūnye būkūgalūche!

MALOMBA KŪLWA GŪPANDĪKA BŪPĪJI



Ū-Mulungu agūtogilwe hangī aŭkooba kŭbiza na wīyeelwa nang'ho wa mugatī. Ūlŭ gīkī ūtalī kŭnzunya Kilisito gītī nkomoji wako, wadŭja gwīta gīko ūhaha yenīyī. Ūlugŭle moyo gwako kŭlīng'wei na ūlombe amalomba genaya.

“Baba nalīmana gīkī nītile shibi mu bŭtongi wako. Nalīlomba ūnilekeje. Ūnoje nabize nsoga. Nalamulaga kŭng'wisagīlwa Yesu ng'wana wako. Nalīzunya gīkī aganichīlīla-aganibŭkīja shibi shane aho wacha hansalaba. Nalīzunya gīkī agajŭka gwīnga mu bachi. Nalītŭla bŭpanga wane kŭlī Yesu ūhaha yenīyī.

Wabeja Baba kŭlwa shigongo shako na bŭpanga bŭtashilaga. Nalīlomba ūnambīlīje gwikala mulībebe, mu lina lya ng'wa Yesu, ūbize chene”.

Īkī walomba gwīnga mu moyo gwako, ū-Mulungu wagwanukŭlaga, wagoojaga na gŭgwinha wiyabī gwīnga mu bŭsese wa lŭfu lwa mu moyo. Ūsole ikanza kŭsoma ūshandīkwa ūshi na ūmŭje Mulungu agŭyombele ūlŭ ūgŭshiminzaga nang'hwe mulŭgendo lwa bŭpanga bŭpya.

Yohana 3:16

1 Bakol Into 15:3-4

Baefeso 1:4

Baefeso 2:8-9

1 Yohana 1:9

1 Yohana 4:14-15

1 Yohana 5:1

1 Yohana 5:12-13

Ūnombe Mulungu agwambīlīje gŭpandīka kanisa ūyo ūzunije bŭlangwa wa Bibilia ili ūyŭkomelejiwa gŭkŭla wīyeelwa wako na Kilisito. Ū-Mulungu aŭnang'ho bŭlī ikanza. Agŭgŭtongeela bŭlī lŭshikŭ na gŭgŭlanja gwikala bŭpanga wa kokajiwa ūbo aŭnabo kŭlwa bebe.

ŪNG'WANDĪKI



JOYCE MEYER nang'hwe alimo ū mungana go batongaji bakumōke aha weelelo ūmukōlanja mbika ya gūtōŭla īng'hana ya Bibilia mu shītwa. Walīng'wandīki nkumōke ūmugahayīle gi gazeti lya **New York Times**, īshītabo shakwe shagunanhaga mamilyoni a banhū gōpandīka wisagīlwa gōbītīla mulī Yesu Kilisito. Ūgōbītīla nīmo go ng'wa JOYCE MEYER Ministries, ūwei agafunyaga bōlangwa bo mbika ningī, bōlangwa wenōbo bōkajaga mōmasala, munomo, kōigwa na mu moyo. Īnzīla yakwe ya kilomelele ga ndūhū kōbisa shose shose īkōng'winhaga kōsangīla bo hape na kō nzīla ya shītwa īsho wabītīla, ili na bangī badōje kōshītōmamīla īng'hana īsho wilanga ng'wei kōbōpanga wabo. ŪJoyce wandīka shitabo kweegela 100 īsho shatafasiliwa gō makabīla 100. Ūng'wene agatongeelaga kweegela mibilingo ikōmi na bīlī ū musī yakwe na hanze ya sī bōlī ng'waka, alīlanja banhū bayege mu bōpanga wabo bōlī lūshikū. Ū mu makanza ga myaka 30 īyo yabīta, ng'wibilingo gwakwe gwa bakīma go bōlī ng'waka gōgabatogisha bingī na bakibilinga bakīma kōbīta 200 000 kōfūmīla weelelo yoose. Ī noota ya ng'wa Joyce ya gōgunanha banhū abalabūkile nabo bagōbītīlaga midamū hī litale lya **Hand of Hope**, ya ng'wa Joyce Meyer Ministries īyo īgafunyaga bōgunanhi gōbashikīla banhū bangī weelelo yoose, gīhamo nōko akwikalaga, munjini gwa St. Louis.